

Protocol no. 58
Sezzüda da lündeschdi, 17 mai 2010, 20.00 – 22.20

Preschaints: Jon Carl Rauch; Chasper Alexander Felix, Georg Salomon, Marianne Werro-Lehmann, Jachen Andri Schmidt e Rico Zini (protocol)

Protocol

Il protocol no. 57 da la sezzüda dals 26 avrigl 2010 vain approvà.

485 021 FABRICA
Deponia illegala – Chanaröl

Il Cussagl cumünal decida chi nu possa gnir dat il permiss da fabrica e da na trametter la dumonda da fabrica oura Cuaira per la procedura da BAB. La deponia es gnüda eretta illegal sainza permiss da fabrica, uschè cha'l patrun da fabrica varà prosmamaing da tilla levar e da quintar cun ün chasti da fabrica.

486 021 FABRICA
Mario Schmidt, Cuaira – Tanc per aua – Ruinas

Il Cussagl cumünal piglia cogniziun da l'intent da fabrica manzunà aint il titul. Avant sco trametter la dumonda da fabrica in sen positiv a Cuaira ston las actas gnir documentadas co chi vain allontanà l'aua persa da quel edifizii.

487 021 FABRICA
Claudia e Men Luppi – Remissa nouva – Saranschasch

Il Cussagl cumünal decida, causa cha'l lö ingio ch'id es premiss la remissa es illa zona protetta da l'ISOS (Inventar der schützenswerten Objekte der Schweiz), da laschar preexaminar la dumonda a las instanzas chanuntalas.

488 021 FABRICA
Corinne e Bernhard Tschalär – Chasa nouva – Archas Sura

Il Cussagl cumünal decida da dar il permiss da fabrica seguaintamaing:

1. Tenor la dumonda acclusa al permiss da fabrica.
2. Il Cumün inchascha seguaintas taxas tenor il reglamaint da taxas e sia agiunta:

- taxa da trattamaint			fr. 750.--
- taxa d'attach d'aua, prov.	1.5	%	fr. 11'250.--
- taxa d'attach chanalizaziun e sarinera, prov.	2.0	%	fr. 15'000.-- excl. ipv.
- taxa d'attach provedimaint electric, prov.	1.0	%	fr. 7'500.-- excl. ipv.
3. Pel rinforz da l'attach electric vain inchaschè tenor art. 17 dal reglamaint da taxas e las indicaziuns dal controllör da las OEE.
4. Las indicaziuns da la pulizia da fö sun part integrala dal permiss da fabrica.
5. Ils cuosts pel parair juridic van tenor art. 96 KRG a charg dal patrun da fabrica.
6. Las duos abitaziuns vegnan inscrites sco 1. abitaziuns.
7. La fatschada sto esser rimboccada.

489 021 FABRICA
Via da quartier e plazzas da parcar – Archas 127,128,129

Il Cussagl cumünal decida da dar il permiss pel intent manzunà aint il titul cun sequaintas cundiziuns:

1. Tenor la dumonda e'ls plans fats bun ed acclus al permiss.
2. Il parkegis ston avair almain 50 cm distanza vers la via ed avair la norma .
3. La garascha prevista da la famiglia Janett nu po gnir realisada pel mumaint.
4. Il Cumün inchascha üna taxa da trattamaint da fr. 100.--.

490 021 FABRICA
G. Fluri-Arquint e M. Herzog-Arquint – Tschuffa per laina ed urdegns – Archas 198

Il Cussagl cumünal decida da dar il permiss pel intent manzunà aint il titul cun sequaintas cundiziuns:

1. Tenor la dumonda e'ls plans fats bun ed acclus al permiss.
2. La distanza da la tschuffa e las saivs ston avair almain 50 cm distanza vers la via.
3. Il Cumün inchascha üna taxa da trattamaint da fr. 100.--.

491 021 FABRICA
Padrot Fried – Porta nouva - Stron

Il Cussagl cumünal decida da dar il permiss (procedura d'annunzcha) pel intent manzunà aint il titul. Il Cumün inchascha üna taxa da trattamaint da fr. 50.--.

492 021 FABRICA
Roman von Ah – Fuond da lain in üert – Saranschasch 598

Il Cussagl cumünal decida da dar il permiss (procedura d'annunzcha) pel intent manzunà aint il titul. Il Cumün inchascha üna taxa da trattamaint da fr. 50.--.

493 021 FABRICA
Ludwig Noggler – Muossavias – Dormir sül strom

Sar Ludwig dumonda sch'el pudess plazzar in plü lös muossavias per render attent sün sia nouva sporta „Dormir sül strom“. Il Cussagl cumünal decida ch'our da motivs d'estetica nu saja quai pussibel. Il Cumün vuol però metter a disposiziun alch lös per muossavias per quel scopo, chi pon gnir dovrats eir dad oters interessents.

494 790 PLANISAZIUN DAL TERRITORI
Dumondas per tour a fit terrain illa zona da mansteranza a Pozzet

- Sar Men Zanetti (Curtin Sura) dumonda sch'el pudess eriger üna remissa illa zona da mansteranza a Pozzet. Per trattar la chosa faja dabsögn d'üna dumonda in scrit cun daplüs detagls ed infuormaziuns.
- Sar Jürg Mader dumonda scha'l cumün saja da princip pront da surlaschar ad el ün toc terrain in quella zona per deponar camiuns e bennas. Il Cussagl cumünal manaja cha'l lö füss per uschè ün intent ideal. In vista chi sun amo oters mansterans chi tscherchan ün lö adattà, as prouva forsa da cumbinar quel güsta eir amo cun quels.

495 390

BASELGIA

Sunaria, sunteri vegl e clucher

Il Cussagl da baselgia orientescha cun charta chi fetscha dabsögn da metter ad ir la sunaria. L'offerta da la firma Muff importa fr. 3'210.--. Aint in sunteri vegl es ün dals bancs ruot. Els dumondan scha'l cumün til pudess rimplazzar. Daspö ca. duos ons vegna giò tocs da molta e daspö l'on passà dafatta tocs da vaider giò dal clucher. Els giavüschan chi gnia tut per mans quista chosa.

Il Cussagl cumünal decida il seguaint:

1. El dà liber l'import da fr. 2'407.50 (3/4 da fr. 3'210.--) per la sunaria. Tenor cunvegna surpiglia la baselgia ¼ dals cuosts.
2. Il banc manzunà vain rimplazzà.
3. Il clucher vain controllà e tuot tenor vain cloccà giò quai ch'id es loc. Scha la situaziun es plü gravanta as stuvaraja far üna revisiun dal clucher.

496 830

TURISSEM

Permiss d'ustaria – Hof Zuort

Il Cussagl cumünal piglia cogniziun cha sar Berry fa la dumonda pel permiss per manar il Hof Zuort. Il Cussagl cumünal decida da dar il permiss tenor art. 3 da l'uorden d'ustaria sco segua:

- | | | |
|----|--------------------------------|--------------------|
| 1. | Persuna respunsabla: | Peter Robert Berry |
| 2. | Descripziun da las localitats: | Hot Zuort |
| 3. | Dürada: | Illimità |

Il cumün inchascha tenor art. 12 dal uorden d'ustaria üna taxa da fr. 200.-- per quist permiss.

L'actuar: